

Bergaran, bi mila eta hemezortziko apirilaren hamahiruan, ondorengoak

BILDU DIRA

Alde batetik, Maria Elena Lete García, Bergarako Udaleko Alkate-Lehendakaria, Bergarako Udalaren izenean (egoitza Bergarako San Martin plaza, z/g-ean du, eta IFK zenbakia P- 2007900-J du).

Beste aldetik, Juan Ramon Garai Bengoa, NAN zenbakia duena, INTXORTA elkarteko lehendakaria, elkartearen izenean (egoitza soziala Arrasateko Makatzeta 17-2an du eta IFZ zenbakia G-20906533 du).

Juan Ramon Garai Bengoa jaunak zinpean alkate andrearen aurrean aitortu ondoren bera eta berak ordezkatzeko duen elkarte ez daudela Estatuaren 2003ko azaroaren 17ko 38/2003 Legeak aurreikusitako debekuko kasuetan eta ezta Administrazio Publikoarekin hitzartzeko inolako bateraezintasun edo ezgaitasun arrazoietan ere sartuta, bi aldeek elkarri aitortzen diote behartzeko gaitasuna eta, hala, honako aurrekari hauek azaltzen dituzte.

AURREKARIAK

INTXORTA elkartearen helburuetako bat da memoria historikoa berreskuratzea, bereziki gerra zibilaren ingurukoa eta hortik aurrerakoa. Horretarako, hainbat ekintza antolatzen ditu.

INTXORTA elkarteko ordezkariak Bergarako Udalarekin kontaktuan jarri ziren 2018ko apirilaren 22an Elgetan egingo duten ekitaldiaren berri emateko eta ekintza hori burutzeko diru-laguntza eskatu zuten.

Bergarako Udalari interesgarria iruditu zitzaion ekintza hori burutzea eta 2018ko apirilaren 9an erabaki zuen 800 euroko diru-laguntza ematea eta bi aldeek betebeharrak hitzarmen batean jasotzea.

Beraz, bi aldeak ados egonik, ondorengo klausulak dituen hitzarmena hitzartzen dute:

KLAUSULAK

Lehenak. INTXORTA elkarteak jarraian jasotako ekitaldian zehazten diren konpromisoak hartzen ditu:

2018ko apirilaren 22an, Intxorta elkarteak azpian jasotzen den egitarauarekin Elgetan egingo duen ekitaldia burutzea, "hil zituzten erresistenteei omenaldia" izenburupean:

- o 11:30ean, Frontoen hildakoie omenaldia, Intxortako Atean
- o Ondoren, Martxa Elgetara: Frankismoaren inpunitateari tolerantziarik ez
- o 12:45etan, "Elgetaren gainbehera" antzezlanaren Elgetako kaleetan
- o Goizean zehar taide memorialisten material azoka, Mendizaleen plazan

Ekintza horiek burutzeko betebeharrak eta gastu guztiak bere gain hartuko ditu elkarteak, ez baditu udalak espresuki hitzarmen honetan bere gain hartu edo elkarlanean burutuko direla jaso.

Halaber, honako konpromiso hauek hartzen ditu:

- Gutxienez euskara erabiltzea ekitaldi eta idatzizko komunikazio publikoetan: iragarki, ohar eta abar.

Ahozko komunikazioetan, bi hizkuntzak erabiliz gero, euskarari emango zaio lehentasuna, euskarazko aurkezpena erdarazkoaren aurretik eginez.

Era berean, idatzizko komunikazio elebidunetan ere, euskarari emango zaio lehentasuna, bai kokalekuaren aldetik (euskarazkoa erdarazkoaren gainean), bai neurriaren aldetik. Testuak hizkuntzaren aldetik zuzen idatziak daudela egiaztatzeko, Euskara Zerbitzura eraman ahalko dira.

- Gizon eta emakumeen berdintasunari dagokionez, udalak markatutako irizpideak jarraitu beharko ditu elkarteak. Jarduera, proiektu edo programarekin lotutako iragarki eta komunikazioetan ez da erabiliko ez hizkera ez irudi sexistarik, estereotipo eta rolak alde batera utziz. Era berean, ezingo da diskriminatu sexu-arrazoiengatik. Eta emakumeen presentzia eta parte hartzea eremu guztietan ahalbidetuko da (zuzendaritzan, bazkideen artean, erabiltzaileen artean eta abarretan).

Bigarrena.- Bergarako Udalak honako konpromiso hauek hartzen ditu:

- Elgetako ekitaldia burutzeko 800 euroko diru-laguntza ematea. Aurrekontua, bi aldeek sinatuta, hitzarmen honi erantsen zaio.

Hirugarrena.- Elgetako ekitaldia burutzeko emandako diru-laguntzaren lehen zatia (diru-laguntzaren % 60) ordainduko da INTXORTA elkarteak betebeharrak fiskaletan eta Gizarte Segurantzakoetan egunean dagoela egiaztatu eta hitzarmen hau sinatu ondoren.

1. Bigarren zatia jasotzeko -% 40, 320,00 €-, ekitaldia amaitzen denetik kontatzen hasita, gehienez ere bi hilabeteko epean ondorengo dokumentuak aurkeztu beharko ditu INTXORTA elkarteak:

- Diruz lagundutako ekintzen memoria.

- Emaitza ekonomikoaren memoria, hau da, zerrenda sailkatu bat, jardueraren gastuak eta inbertsioak jasoz, eta bertan zehaztu beharko dira hartzekodunaren eta dokumentuaren identifikazioa, zenbatekoa, jaulkipen-data eta, horrelakorik balego, ordainketa-data; eta bertan, era berean, zehaztu egin beharko dira diruz lagundu den jarduera hori finantzatzeko izan dituzten beste diru-sarrera edo diru-laguntzak, adierazita bakoitza zenbatekoa izan den eta nondik etorri den. Memoria erreala dela adierazten duen zinpeko aitortpena gehituko zaio, elkarteko ordezkariak sinatuta.

- Faktura, agiri edo erreziboen kopia eta horien ordainketa agiriak.

- Jasotako beste diru-laguntzen agiriak edo, diru-laguntzarik jaso ez bada, zinpeko aitortpena.
- Programatutako jardueren dokumentazio grafikoa (kartelak, liburuxkak, prentsa oharrak, etab.).

Elkarteak aintzat hartzeko moduko arrazoirik aurkezten ez badu edo ez baditu programatutako jarduerak edo hitzarmen honetan zehaztutako betebeharrak betetzen, zati batean bada ere, Udalak jasotzeko geratzen zaion diru-laguntza edo horren zati bat ez ordaintzea erabaki ahal izango du, eta baita jadanik kobratuta duen dirua (guztia edo zati bat) itzularaztea ere.

Erabaki hau hartu aurretik interesatuari entzungo zaio.

Bestalde, elkarteak justifikatutako gastua aurrekontuan jasotakoa baino txikiagoa balitz, Udalak eskatu ahal izango du diru-laguntzaren zati bat itzultzea, baina gastua aurrekontuan jasotakoa baino handiagoa izan bada, Udalak ez du diru-laguntza berririk emango.

Laugarrena.- Diruz lagundutako ekintzen publizitatean (kartelak, esku-programak...), INTXORTA elkarteak Bergarako Udalaren laguntza duela adierazi beharko du.

Apirilaren 22an antolatuko den ekitaldian, Bergarako Udaleko ordezkari politikoak ere parte hartuko du

Bosgarrena.- Udalak egingo duen diru-ekarpenaz gain, helburu bera duen beste edozein diru-laguntza ere jaso daiteke, eta Udalari aurkeztuko zaion txosten ekonomikoan sarreretan azaldu beharko da.

Hala eta guztiz ere, diru-ekarpenak (Udalarenak edo beste batzuenak batuta) eta/edo bestelako sarrerak batuta ezingo du inola ere gastua baino altuagoa izan.

Seigarrena.- Diru-ekarpena egiteko kontuan hartu diren baldintzetakoren bat aldatuko balitz, edo Udalarenaz gain beste administrazio batek edo entitate pribatu edo publiko batek emandakoa jasoko balitz, gerta liteke emandako kopurua aldatzea.

Zazpigarrena.- Diru-ekarpena berrikusi egingo da eta, egoki bada, kendu, baldin eta hauetakoren bat gertatzen bada:

- a) Diru-ekarpenak bete beharreko baldintzak bete gabe gelditzea.
- b) Diru-ekarpena erabiltzea lortu beharreko helburua ez den beste helburu baterako.

Zortzigarrena.- Hitzarmen honetan aurreikusita ez dagoen guztirako, honako hauek aplikatuko dira: Diru-laguntzak arautzen dituen 38/2003 Estatuko Legea, azaroaren 17koa; lege hori garatzen duen 887/2006 Errege Dekretua, uztailaren 21ekoa; eta Bergarako aurrekontuetako udal araua.

Bederatzigarrena.- Diruz lagundutako ekintzek eragindako kalteen erantzulea INTXORTA elkarte bera izango da, eta Bergarako Udala kanpo gelditzen dela aitortzen du elkarteak.

Hamargarrena .- Alde bietako batek honako hitzarmen honetan harturiko betebeharrak edozein beteko ez balu, beste aldeak hautsi ahal izango luke, eta kalte-ordainak eskatu.

Eta adostasun frogagisa, bi aldeek dokumentu hau sinatzen dute goian aipatutako egun eta lekuan, eta nik, idazkariak, guztia egiaztatzen dudalarik.



Mª Concepción Ugalde Izeta



María Elena Lete García

Juan Ramon Garai Bengoa



Aurrekontua Omenaldia Elgetan 2018

Plakarena 514 €

Grabazioa Goiena 1000 €

Panelak Batzoki eta Taberna 86,25 €

Inprenta (kartelak eta irrintzia): 732 €

Kartelak ipintzea: 300 €

Lorak 100 €

Aki----10,10€

Centro Hogar (txino)----12.25€

Unfema , burdindegia----7.50€

lidl (sardiñak eta atun latak)-----89.70€

Gastos Intxorta 1937: 600 €

- Diseño cartel
 - Maquetación cartel + Irrintzia
 - Fotokopiak
 - Irrintzi banaketa herri ezberdinetan (Arrasate, Bergara, Eibar...)
 - Koordinazio eta bidaiak
-
- Antzerki taldeko gastuak: falta dira
 - Baliteke beste gastu txiki batzuk gehiago ere egotea,
- BEZa falta da sartzea askotan

Arrasaten 11/04/2018

Intxorta 1937 kultur elkartea



